

中華叢書

中華
文彙
兩漢三國文彙

中華叢書委員會印行

中華叢書

中華
文庫
兩漢三國文庫

總編

纂編

纂纂

高林

明尹

新學
研究
PDG

中華叢書 中華
文叢 兩漢三國文叢

中華民國四十九年八月印行

全一冊 基價 精裝新台幣拾玖元捌角

總編 纂高 明

編纂 纂林 尹

出版者 中華叢書編審委員會

發行者 中華叢書編審委員會

地址：臺灣臺北市中山南路十一號

國內總經銷 臺 灣 書 店

地址：臺灣臺北市重慶南路一段十四號

國外總經銷 集成圖書公司

地址：香港九龍彌敦道五八〇號E

CHI SHENG BOOK CO.
580E NATHAN ROAD,
KOWLOON, HONGKONG

漢高帝

帝姓劉氏，名邦，字季，沛豐邑中陽里人。初爲泗上亭長，秦二世元年起兵，稱沛公；明年，楚懷王以爲碭郡長，封武安侯。以子嬰元年西入關，項羽立爲漢王，都南鄭。以漢五年破項羽，卽皇帝位，都長安，在位十二年，諡曰高皇帝，廟號太祖，亦曰高祖。有傳十三篇。

陳餘

陳餘、大梁人，事陳涉爲校尉，趙王武臣以爲大將軍，項王入關，以南皮旁三縣封爲成安君，趙王歇又立爲代王，留相趙。漢三年，韓信破趙，斬于泜水上。

孔鮒

孔鮒，字子魚，魯人，一字甲，或稱孔甲，或謂之子鮒。孔子八世孫，陳涉起兵，以陳餘薦爲博士太師，涉敗，俱死陳下。

韓信

韓信、淮陰人，仕項爲郎中，亡歸漢爲連敖，遷治粟都尉，拜大將軍。漢四年立爲齊王，五年更立爲楚王，六年爲高帝所執，封淮陰侯。十一年謀反，夷三族，有兵法三篇。

蕭何

蕭何、沛人，秦時爲縣主吏掾，郡卒史，高帝起兵，以何爲沛丞，及王漢中，以何爲丞相。漢五年卽皇帝位，封何爲鄧侯。十一年拜爲相國，惠帝二年卒，諡曰文終侯。

酈食其

酈食其、陳留高陽人，秦時爲里監門，高帝下陳，留以爲廣野君。漢四年爲齊王田廣所烹。

韓王信

信、故韓襄王孽孫，從高帝入漢中，拜韓太尉，漢二年立爲韓王，從破項籍，都潁川，徙都晉陽，尋徙馬邑，降于匈奴，十一年柴武擊斬之。

漢文帝

帝名恆，高帝中子，漢十一年封代王，呂后八年迎立，在位二十三年，諡曰孝文皇帝，廟號太宗。

劉襄

劉襄、齊悼惠王肥之太子，高帝嫡長孫。孝惠六年嗣位，孝文元年薨，諡曰哀王。

宋昌

宋昌，宋義孫，以家吏從高帝起山東，遷都尉，出爲代中尉。文帝元年，拜衛將軍，領南北軍，封

壯武侯。景帝中四年有罪，奪爵一級，爲關內侯。

孔 臧

孔臧，鮒從曾孫，文帝九年，嗣父聚（孔叢子作彥）爵蓼侯。元朔二年，拜太常，五年坐事免。

孔 安國

孔安國字子國，臧從弟。武帝時爲諫議大夫，遷侍中博士，出爲臨淮太守。

張 蒼

張蒼、一作倉，陽武人。秦時爲御史主柱下方書，有罪亡歸。漢二年爲常山守，三年爲代相，尋徙相趙王張耳，及耳子敖封北平侯，遷爲計相，以列侯居相府；十一年，爲淮南相，高后八年，爲御史大夫，文帝四年，代灌嬰爲丞相，後二年免。景帝五年卒。年百餘歲，諡曰文侯。

陳武（一作柴武）

陳武、一姓柴，秦時以將軍起薛，別救東阿至霸上。漢六年封棘蒲侯，孝文後元年卒，諡曰剛侯。（按高紀遇剛武侯，應劭音義云武一姓柴，今據史記律書合之史漢韓王信淮南王長傳，功臣侯表，知陳武卽柴武，應劭說是也。）

薄 昭

薄昭、吳人，文帝母薄太后之弟。元年拜車騎將軍，封軹侯。十年坐罪自殺。

張武

張武、爲代國郎中令，文帝卽位以受賕金錢不徙，十四年拜車騎將軍，屯渭北軍，罷復故官，及葬霸陵，爲復土將軍。

賈山

賈山、潁川人。初爲潁陰侯灌嬰給事，文帝時屢上書言事，不用。

賈誼

賈誼、洛陽人，文帝初召爲博士，遷太中大夫，謫爲長沙王太傅，徵拜梁王太傅，有賈子十卷，集四卷。

淳于緄縈

淳于緄縈、臨菑人，齊太倉令淳于意少女。

南越王趙佗

趙佗、眞定人，秦始皇時爲龍川令。二世時南海尉任囂召行南海尉事。秦滅，自立爲南越武王，漢

十一年遣使立爲南越王。高后時自稱南越武帝，文帝初，去帝號，建元四年卒，年蓋百歲。

匈奴冒頓

冒頓姓攣鞮氏，頭曼子。秦二世元年，弑父自立爲撐犁孤塗單于。

漢景帝

帝名啓，孝文帝長子，前元年立爲皇太子，後七年六月卽位，在位十六年，諡曰孝景皇帝。

劉濞

劉濞、高帝兄仲之子，十一年封沛侯。十二年封吳王，孝景三年反，伏誅。

申屠嘉

申屠、嘉梁人，從高帝爲隊卒，遷都尉。惠帝時爲淮陽守，文帝卽位，賜爵關內侯。十六年爲御史大夫，後二年代張蒼爲丞相，封故安侯，景帝二年卒，諡曰節侯。

陶青

陶青、高帝末，嗣父舍爵開封侯，文帝後二年爲御史大夫，景帝二年代申屠嘉爲丞相，七年免，中三年卒，諡曰夷侯。

鼂 錯

鼂錯、潁川人，初爲大常掌故，文帝時，歷太子舍人門大夫，遷博士，拜太子家令，舉賢良文學，對策高第，遷中大夫。景帝卽位，以爲內史，遷御史大夫。吳楚七國反，斬于東市。有新書三卷，集三卷。

嚴 忌

嚴忌字夫子，會稽吳人，爲梁孝王客。

羊 勝

羊勝、齊人，爲梁孝王上客，坐謀刺爰盎自殺。

公孫乘

未詳

鄒 陽

鄒陽、齊人，仕吳王濞，去爲梁孝王客。

枚 乘

枚乘字叔，淮陰人，爲吳王濞郎中，去之梁。景帝平七國，召拜弘農都尉，以病去官，復游梁，後歸淮陰。武帝卽位，徵入都，道卒。有集二卷。

段孝直

段孝直，景帝時爲長安令。

漢武帝

帝名徹，景帝中子，四年封膠東王，七年立爲皇太子，後三年正月卽位。改元十一：建元、元光、元朔、元狩、元鼎、元封、太初、天漢、太始、征和、後元，在位五十四年，諡曰孝武皇帝，廟號世宗，有集二卷。

劉安

劉安，淮南王長之子，高帝之孫。孝文八年封阜陵侯，十六年封淮南王，元朔五年，削地五縣，元狩元年，謀反自殺。有淮南子內篇二十一卷，中篇八卷，集二卷。

劉彭祖

劉彭祖，景帝子，前二年封廣川王，三年徙封趙王，在位六十三年，正和元年薨，諡曰敬肅王。

劉端

劉端，景帝子，前三年封膠西王，在位四十七年，元封三年薨，諡曰子王。

劉勝

劉勝，景帝子，前三年封中山王，在位四十二年，元鼎四年薨，諡曰靖王。

嚴助

嚴助，忌子，或言族子。武帝初，舉賢良對策，擢爲中大夫，後拜會稽太守，入爲侍中，坐與淮南王交私棄市。

韓安國

韓安國字長孺，梁成安人。事梁孝王爲中大夫，七國反，拒守有功，後坐罪下獄，漢遣使拜爲梁內史，共王卽位，復坐罪免。建元中，召爲北地都尉，遷大司農，拜御史大夫。元光中，爲護軍將軍，行丞相事，病免。復爲中尉，徙衛尉，出爲材官將軍，屯漁陽，移屯右北平。元朔二年，坐失亡多，歐血死。

淮南小山

小山，淮南王安客。

路喬如

未詳。

鄒長倩

未詳。

司馬相如

司馬相如字長卿，小名犬子，蜀郡成都人。以貲爲郎事，景帝爲武騎常侍，病免。客游梁，後歸蜀，武帝召復爲郎，拜中郎將，坐事免。尋復爲郎，拜孝文園令，病免。有集二卷。

卓文君

卓文君、蜀郡成都人，卓王孫女，寡而奔司馬相如。

張湯

張湯杜陵人，景帝時爲長安吏，武帝卽位，調茂陵尉，歷丞相史，補侍御史，遷大中大夫。元朔三年，代翟公爲廷尉，元狩三年，拜御史大夫。元鼎二年，坐罪自殺。

楊貴

楊貴字王孫，京兆人。

董仲舒

作者小傳

董仲舒，廣川人，景帝時爲博士。武帝卽位，舉賢良對策，除江都相，遷膠西相，去官以壽終于家。有春秋脩露十七卷，集二卷。

鄭當時

鄭當時字莊，陳人。景帝時爲太子舍人，武帝卽位，累遷魯中尉，濟南太守，江都相，至右內史，以議田蚡，竇嬰事，貶秩爲詹事，遷大司農，有罪贖爲庶人。尋守丞相長史，遷汝南太守。

公孫弘

公孫弘字季，一云字次卿，菑川薛人。少爲薛獄吏，有罪免。武帝卽位，以賢良徵爲博士，時年六十，移病免歸。元光中，復徵賢良對策第一，拜博士，累遷左內史。元朔中，爲御史大夫，代薛澤爲丞相，封平津侯。元狩二年卒，年八十。

東方朔

東方朔字曼倩，平原厭次人。武帝初，待詔公車，尋待詔金馬門，爲常侍郎，拜太中大夫給事中，被劾免爲庶人。待詔宦者署，復爲中郎。有集二卷。

唐蒙

唐蒙、建元中爲番陽令，元光中以郎中通夜郎。

張 騫

張騫、漢中成固人。建元中，爲郎。使西域，再爲匈奴所獲，歷十三歲亡歸，拜太中大夫，元朔末從衛青出塞，有功封博望侯。元狩中，遷衛尉，出塞，後期論斬，贖爲庶人，後拜中郎將，復使西域，還拜大行。

司馬談

司馬談、河內人。建元中爲太史令，元封初卒。

司馬遷

司馬遷字子長，談子。元封中爲太史令，天漢中坐罪宮刑，後爲中書令。有史記一百三十卷，集一卷。

摯 峻

摯峻字伯陵，京兆長安人，隱于阡山。

徐 樂

徐樂、燕郡無終人，元光中爲郎中。

嚴安

嚴安、臨邛人。爲丞相史，終騎馬令。

終軍

終軍字子雲，濟南人。武帝時拜謁者給事中，擢爲諫大夫，使南越，爲呂嘉所攻殺。

吾丘壽王

吾丘壽王字子贛，趙人。武帝時待詔，遷侍中中郎，坐法免。復召爲郎，拜東郡都尉，入爲光祿大夫，侍中。後坐事誅，有集二卷。

主父偃

主父偃、齊國臨邛人，元光中爲郎中，遷謁者中郎，中大夫，元朔中爲齊相，以劫齊王，令自殺，徵下吏，族誅。

霍去病

霍去病、河東平陽人，武帝衛皇后姊子。年十八爲侍中，以票姚校尉，再從衛青出塞。元朔末，封冠軍侯，元狩中，爲驃騎將軍，拜大司馬，六年卒，諡曰景桓侯。

兒寬

兒寬、千乘人，武帝時以射策爲掌故，補廷尉文學卒史，除從史轉掾，進奏讞掾，遷御史大夫掾，舉侍御史，擢爲中大夫，遷左內史，代卜式爲御史大夫。

延年

延年、史失其姓，齊人。（按漢志有東曉令延年賦七篇，或卽其人。）

蘇武

蘇武字子卿，杜陵人。初爲郎，遷移中廡監，進侍中。天漢元年，以中郎將，使匈奴，留不遣。至元始六年歸，拜典屬國。宣帝卽位，賜爵關內侯。神爵二年卒，年八十餘，甘露三年圖形麒麟閣。

李陵

李陵字少卿，隴西成紀人。前將軍廣孫，爲侍中建章監，拜騎都尉。天漢二年兵敗，降于匈奴，尙單于女，封右校王。元平元年病死，有集二卷。

漢昭帝

帝名弗陵，武帝少子，後元二年二月立爲皇太子，卽位。改元三：始元、元鳳、元平，在位十三年，諡曰孝昭皇帝。

劉旦

劉旦、武帝長子，元狩六年四月封燕王，元鳳元年，謀反自殺，諡曰刺王。

劉長

劉長、勝孫，中山哀王之子。

胡建

胡建字子孟，河東人。天漢中，守軍正丞，後爲渭城令。昭帝時爲上官安所捕，自殺。

桑弘羊

桑弘羊、洛陽人，少以心計侍中。天漢中，爲大農丞，貶爲搜粟都尉，領大農，賜爵左庶長。後元末，拜御史大夫，受遺輔政。元鳳元年，與上官桀等謀反誅。

漢宣帝

帝名詢，字次卿，本名病己，戾太子孫。元平元年，霍光廢昌邑王，迎封陽武侯，尋卽位。改元七：本始、地節、元康、神爵、五鳳、甘露、黃龍，在位二十五年，諡曰孝宣皇帝，廟號中宗。